



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

D. Ioannis Damasceni Præfatio.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

D. IOANN. DAMASCENI

nae veritatis gloriam, & Philonis etiam & Iosephi monumentis sententias à nobis collectas esse. Ambo autem Hebraei, atque eruditi viri sunt. Ac proinde horum narrationibus ac sententiis summa cum diligentia attendendum est, ut qui non modo à sanctissimorum ac beatorum virorum, qui apud nos floruerunt, scopo ne tantillum quidem aberrent, sed etiam ingentem, tum in verbis, tum in moribus, similitudinem praese ferant, atque sermones à Spiritu sancto pronunciatos confirmant potius, quam imminuant, ac labefactent.

D. IOANNIS DAMASCENI

Praefatio.



SCRIPTURAE diuinitus inspiratae studium, opes, gloria, imperium, ac denique res eas omnes, quas mortales amplecti solent, antecellit: quippe quod salutis viatica nobis tribuat. Ut autem ipsius labores facilius perferamus, hoc volumen nobis praestat. Siquidem istae, quae summae admirationi sunt, incredibilem in modum praestantiora in eo inuenire est. Neque satietas ulla & fastidium legentibus oboriri potest. Etenim pulchrarum materiarum, quae hic continentur, electio Lectores ad se trahit, nec eos animis languere ac defatigari sinit, qui ea quae sequuntur, audire gestiunt. Ecc. 24. Atque, ut litteris sacris proditum est, Qui edunt me, adhuc esurient, & qui bibunt me, adhuc sitient. Amabilis enim re vera & expetenda est spirituum disciplinarum suauitas, ut quae animos sanctitate afficiat, eosque alacere & augeat. Complectitur autem hoc opus, quicquid vel ad mores accommodatè, vel sententiosè, vel ad monendum appositè, ad omnem causam & argumentum, tam à veteri, quam à nouo sacrorum oraculorum Instrumento dictum est, atque etiam à sanctis, & diuinitus instinctis Patribus nostris, quorum ingens gloria toto orbe celebratur, ac decantatur. Atque ea apophthegmata, quae de his rebus sparsim iacent, florum in modum decerpta, ac suis titulis collocata sunt. Porro vniuersum opus tribus libris continetur. Quorum primus ex his rebus constat, à quibus Christianos auspiciari maxime decet, nimirum à Deo, ac trina vnitatem, iam inde ab ipsis libri primordiis nos collustrante. Secundus de rerum humanarum coagmentatione ac statu verba facit. Tertius priuatim de virtute ac vitio tractat. Ceterum quò facilius inueniri possint ea, quae quaruntur, Capitum tabula, hoc est tituli, ordine alphabetico siti sunt. Atque singula Capita in ea littera sita reperientur, à qua incipiunt. Exempli gratia, quae ab alpha incipiunt, in elemento alpha, quae à beta, in elemento beta, & sic de reliquis: in fine autem cuiusque litterae sunt tituli transmittentes, de quibus mox suo loco pauca dicam, cum, quis eorum usus sit, declarabo. Quemadmodum autem vinum aqua temperatum dulce est, ac iucundam quandam voluptatem efficit: sic etiam tota huius operis structura, utpote ex diuina Scriptura, & sanctorum ac diuinitus afflatorum Patrum lucubrationibus permixta, cum ingentibus, qui legendi cupiditate tenentur, oblectationem affert, tum multam etiam iis, qui laboris cupidum

sunt, ad ea, quæ legunt, memoriâ complectenda facilitatem, ac denique non exiguam Lectoribus omnibus utilitatem. Ac siquidē rectē, & ut cōuenit, hoc volumen concinnatum est, hoc diuino fauori atque auxilio ascribi debet. Si autem trasse, parūque felici successu, hoc imbecillitati meæ ~~tributum est~~. Totum porro volumen Parallela nuncupatur. Illud autem scire operæ pretium est, e Philonis et Josephi lucubrationibus collectas esse sententias, ad gloriam scilicet Christianæ veritatis, utpotē etiam ab inimicis commendatæ.

DE TRANSMISSIONIBVS.

Sequuntur iam titulorum eorum transmissiones, qui ab eadem littera incipiunt, & alio loco siti sunt, ac reperiuntur. Dicam autem quid sit transmissio, & quam ob causam inuenta. Transmissio, est dictio nos eò ducens, vbi, quicquid querimus, inuenitur. Magnam autem ea utilitatem libro affert. Non modò enim hoc officit, ut breuiter aliquid comprehendamus: sed etiam verborum prolixitatem imputat, utpotē quæ per crebram earundem rerum repetitionem minimè nos sinat fastidium audientibus exhibere. Potissimum autem ob ἀπορίεσσα inuenta est, hoc est ea, quæ de vna eademque re vario modo dicuntur. Multi enim in quolibet libro tituli sunt, quorum inscriptio quatuor nominibus, ac fortasse etiam pluribus constat. Verbi gratia, De superbis & fastuosis, & arrogantibus, atque inanis gloriæ cupidis. Hæc enim, licet à diuersis litteris incipiant, tamen subiecti ratione idem sunt. Vnde etiam factum est, ut verborum appositionem à Scriptura sacra & sanctis Patribus communiter acceperint. Ac rursus, De temerario, & impudenti, & excaescente, & iracundo. Nam hæc quoque omnia considerationis respectu idem sunt. Atque, ne easdem lectiones ijs tribuentes, quæ vocabulis duntaxat, ac non item rebus disuncta sunt, in prolixitatem incidamus, necessariò inuenta est transmissio. Cuius videlicet ope atque auxilio hoc comparatur, ut Capita ordine alphabetico edantur. Quocirca ijs, qui litterarum indicem legunt, faciendum est, ut transmissiones quoque ipsi subiectas legant.

Titulos transmittentes, de quibus hîc loquitur Damascenus, ob hanc causam omittendos duximus, quòd in versione Latina, quæ litterarum ordinem non sequitur, superuacanea eorum adiectio futura esset.